

福建通志局編纂
民國十一年刊本

福建通紀

(一)

台灣大通書局印行

福建通志局編纂
民國十一年刊本

福建通紀

(二)

台灣大通書局印行

福建通志局編纂
民國十一年刊本

福建通紀

(三)

台灣大通書局印行

福建通志局編纂
民國十一年刊本

福建通紀

(四)

台灣大通書局印行

福建通志局編纂
民國十一年刊本

福建通紀

(五)

台灣大通書局印行

中華民國五十七年十一月初版

福建通紀
(精裝五巨冊)

售價：新台幣三千六百元

出版者：大通書局

發行者：大通書局

地址：台北市重慶南路一段四十七號

郵政劃撥戶四二七一號

印刷者：新文化彩色印書館

地址：台北市環河南街一六九巷八十號

版權所有

出版登記證在申請中

景印「福建通紀」緣起

「福建通紀」共有四種版本：一、鄭開極等纂六十四卷，康熙二十三年（1684）刊本；二、謝道承等纂七十八卷，乾隆二年（1737）刊本；三、陳壽祺等纂二百七十八卷，同治六年（1867）刊本；四、福建通志局編纂三百十一卷，民國十一年（1922）刊本，即為斯本。

這部「福建通紀」分通紀、天文志、地理志、山經、河渠書、水利志、方言志、物產志、漁業志、鹽政志、賦稅志、船政志、海軍志、外交志、金石志、藝文志、版本志、列傳、儒林傳、文苑傳、儒引傳、循吏傳、孝義傳、高士傳、列女傳、高僧傳、列仙傳、名宦傳、酷吏傳、滑稽傳、伶官傳、宦者傳等三十二大類；及經史子集等二十五小類，共三百十一卷。凡歷代紀傳、制度、以及天文地理，靡不記載詳盡，此書刊刻年代之近，卷帙之繁，內容之廣，似前三種版本所不及此。

本局為響應復興中華文化運動，及當前學界之需，爰特籌資刊行，以供海內外學術界參考。

本局編輯部謹識

民國五十七年十一月（1968）

福建通紀目次

一、福建通紀	二十卷		一
二、福建天文志	一卷		二二五
三、福建地理志	三卷		二二九
四、福建山經	卅五卷		二四九
五、福建河渠書	十一卷		四五五
六、福建水利志	十卷		五二九
七、福建方言志	一卷		六一七
八、福建物產志	十一卷		六二七
九、福建漁業志	一卷		六九七
十、福建鹽政志	一卷		七〇五
十一、福建賦稅志	一卷		七三一
十二、福建船政志	一卷		七四三
附：福建船政各分所表一卷			
船政成船表一卷			
十三、福建海軍志	一卷		七五七
十四、福建外交志	一卷		七六五
十五、福建金石志	三十卷		七八七
十六、福建金石志補遺	一卷		一〇九一
福建金石志刊誤	一卷		一〇九三

十八、福建藝文志

一、經部 (十五卷)

1. 易類		一〇九五
2. 書類		一一一
3. 詩類		一二九
4. 周禮類		一三九
5. 禮儀類		一四三
6. 通禮雜禮類		一五九
7. 四書類		一八一
8. 樂類		一九五
9. 小學類		二〇一

二、史部 (二十五卷)

1. 正史類		一一一
2. 編年類		一二三
3. 紀事本末類		一二七
4. 別史類		一二九
5. 雜史類		一二五
6. 詔令類		一二九
7. 奏議類		一三一
8. 傳記類		一三五
9. 史鈔類		一四九
10. 載記類		一五一
11. 時令類		一五三
12. 地理類		一五五
13. 職官類		一八七
14. 政書類		二八七
15. 目錄類		二八九
16. 譜錄類		三〇一

三、子部 (十三卷)

四、集部 (二十三卷)

十九、福建藝文志附錄及補遺

二十、福建版本志

17 史評類	一三一
18 類書類	一三一
1. 儒家類	一三二
2. 兵家類	一三四
3. 法家類	一三四
4. 農家類	一三四
5. 醫家類	一三四
6. 天文算法類	一三五
7. 術數類	一三五
8. 雜家類	一三五
9. 小說家類	一三七
10. 道家類	一三七
11. 釋家類	一三七
12. 楚辭類	一三八
1. 別集類	一三八
2. 總集類	一五三
3. 詞曲類	一五五
4. 詩文評類	一五五
5. 叢書類	一五六
1. 經部	一五六
2. 史部	一五七
3. 子部	一五八
4. 集部	一五八
5. 補遺	一五八
1. 總考	一五九
2. 經部	一五九
3. 史部	一五九
4. 子部	一五九
5. 集部	一六〇

廿一、福建列傳

廿二、福建儒林傳 (五卷)

附：補遺

6. 叢書	一卷	一六〇
7. 補遺	一卷	一六一
8. 附錄	一卷	一六三
1. 漢、晉、陳、隋	一卷	一六五
2. 唐列傳	一卷	一六七
3. 唐列傳補遺	一卷	一六三
4. 五代傳	一卷	一六五
5. 宋列傳	十五卷	一六三
6. 元列傳	十卷	一九二
7. 明列傳	十七卷	一九三
8. 清列傳目次	八卷	二一六
9. 清列傳	八卷	二一七
附：補遺	一卷	二三八
廿三、福建文苑傳	九卷	二三九
廿四、福建儒行傳	四卷	二五〇
廿五、福建循吏傳	三卷	二五六
廿六、福建孝義傳	十五卷	二六五
廿七、福建高士傳	二卷	二四三
廿八、福建列女傳	七卷	二八〇
廿九、福建高僧傳	七卷	二八九
三十、福建列仙傳	一卷	二九六
卅一、福建名宦傳	三卷	二九七
卅二、福建酷吏傳	一卷	二九八
卅三、福建滑稽傳	一卷	二九九
卅四、福建伶官傳	一卷	二九九
卅五、福建宦者傳	一卷	二九九

福建通紀卷一

自來方志有表有志有列傳獨不敢用紀若用紀即借國史也者然周禮小史掌邦國之志即國史外史掌四方之志即方志是史本稱志史特其官耳故周志稱志穆天子傳稱傳呂氏春秋十二紀以紀月令未嘗紀尊而志傳卑也通志之名昉於吾鄉鄭樵氏首列帝紀元張用鼎金陵志本其意創為通紀一門論方志體例者章學誠氏高澍然氏均踴之良以魯史必稱周禮正月必係周王一書之綱在是而後方數千里之地歷代之廢興治亂不至散無統紀惛然而罔攸知也立通紀

周

顯王三十五年越王無疆伐楚楚威王大敗越殺無疆盡取吳故地越以此散諸族子爭立或為王或為君濱於海上後七世至閩君搖竹書紀年史記越世家

案吳越春秋句踐二十七年卒興夷即位子翁子不揚子無疆子玉子

福建通紀 秦 漢

尊子親其歷八王積二百二十四年親戚皆失而去琅邪徙於吳矣尊親失琅邪為楚所滅與世家不合與紀年於越遷吳在周安王三十二年亦不合今不從

秦

閩越王無諸及越東海王搖者其先皆句踐之後姓騶氏秦已并天下皆廢為君長以其地為閩中郡及諸侯畔秦無諸搖率越歸鄣陽令吳芮從諸侯滅秦項籍王命弗王以故不附楚漢擊籍無諸搖率越人佐漢東漢書

漢

高祖五年詔曰故粵王無諸世奉粵祀秦侵奪其地使其社稷不得血食諸侯伐秦無諸身率閩中兵以佐滅秦項羽廢而弗立今以為閩粵王王閩中地都東冶東漢書高祖紀

惠帝三年五月舉高帝時越功曰閩君搖功多立為東海王都東甌東漢書惠帝紀

高后八年高后崩南越王趙佗以兵威邊財物賂遺閩越西甌賂役屬焉史記南越列傳

文帝六年淮南厲王令人使閩越勾奴事覺治之史記淮南列傳

景帝三年吳王濞反欲從閩越閩越未肯行獨東甌從吳及吳破東甌受漢購殺吳王丹徒以故得不誅吳王太子駒亡走閩越怨東甌殺其父常勸閩越擊東甌東漢書

武帝建元三年閩越發兵圍東甌東甌食盡且降使人告急天子天子問太尉田蚡蚡曰越人相攻擊固其常不足以煩中國自秦時棄弗屬中大夫莊助詰蚡曰特患力弗能救誠能何故棄之且秦擊咸陽而棄之何乃越也乃遣莊助以節發兵會稽浮海救東甌未至閩越引兵去上

六年閩越擊南越南越守天子約不敢擅發兵擊而以聞上遣大行王恢出豫章大農韓安國出會稽皆為將軍誅閩越淮南王安上書諫畧曰越方外之地創髮文身之民也自三代之盛胡越不與正朔以為不居之地

福建通紀 漢 不牧之民不足以煩中國也自漢初定以來七十二年吳越人相攻擊者不可勝數天子未嘗舉兵而入其地也臣聞越非有城郭邑里也處谿谷之閒篁竹之中習於水門便於用舟地深昧而多水險中國之人不知其勢阻而入其地雖百不當其一得其地不可郡縣也攻之不可暴取也以地圖察其山川要塞相去不過寸數而閒獨數百千里阻險林叢弗能盡著視之若易行之甚難今發兵行數千里資衣糧入越地輿輻而險領枕舟而入水行數百千里夾以深林叢竹水道上下擊石林中多螻蛇狂獸夏月暑時歐泄霍亂之病相隨屬也曾未施兵接刃死傷者必眾矣不習南方地形者多以越為人眾兵強能難邊城淮南全國之時多為邊吏臣竊聞之與中國異限以高山人迹所絕車道不通其入中國必下領水領水之山峭峻漂石破舟不可以大船載食糧下也越人欲為變必先田餘千界中積糧運入伐材治船邊城守候謹越人有入伐材者輒收捕焚其積聚雖百越奈邊城何且越人蘇力薄材不能陸戰又無車騎弓弩之

其積聚雖百越奈邊城何且越人蘇力薄材不能陸戰又無車騎弓弩之

用然而不可入者以保地險而中國之人不能其水土也臣聞越甲卒不下數十萬所以入之五倍遇足南方暑濕近夏運熱暴露水居蝮蛇蠱生疾病多作兵未血刃而病死者什二三臣聞道路言閩越王弟甲弑而殺之甲以誅死其民未有所屬陛下若欲來內處之中國使重臣臨存施德垂賞以招致之此必携幼扶老以歸聖德若無所用之則繼其絕世建其王侯此必世共貢職今以兵入其地此必震怒以為欲屠滅之也必雉兔逃入山林險阻背而去之則復相羣聚留而守之歷歲經年則士卒罷勦食糧之絕臣聞長老言秦之時嘗使尉屠睢擊越又使監祿鑿渠通道越人逃入深山林叢不可得攻留軍屯守空地曠日持久士卒勞倦越乃出擊之秦兵大破如使越人蒙死微幸以逆執事之旗行斯輿之卒有一不備而歸者臣竊為大漢羞之是時漢兵遂出未踰領案史記以為未踰領閩越王郢發兵距險其弟餘善乃與宗族謀曰漢兵眾彊今即幸勝之後來益多終滅國而止今殺王以謝天子天子聽罷兵固一國完不聽乃力

福建通紀

三

通志一

戰不勝即亡入海皆曰善即鏖殺王奉其頭致大行天子詔兩將罷兵曰郢等首惡獨無諸孫餘善丑不與謀乃立丑為越王奉先祭祀餘善威行於國竊自立為王餘善不能制天子曰餘善首誅郢師得不勞因立為東越王與餘善並處東越列傳漢書嚴助傳兩粵傳

案嚴助傳又云閩越王殺其骨肉離其親戚又數舉兵侵陵百越并兼鄰國入燔尋陽樓船欲招會稽之地以踐句踐之迹今者邊又言率兩國擊南越以八月舉兵於治南士卒罷倦三王之眾相與攻之以上東越列傳所未詳

元鼎五年南越反餘善上書請以卒八千人從樓船將軍擊呂嘉等兵至揭陽以海風波為解不行持兩端陰使南越及漢破番禺不至是時樓船將軍楊僕上書願便引兵擊東越上曰士卒勞倦令屯豫章梅嶺待命六年秋餘善聞樓船請誅之漢兵臨境遂反發兵距漢道號將軍驕力等為吞漢將軍入白沙武林梅嶺殺漢三校尉刻武帝璽自立詐其民為安

言天子遣橫海將軍韓說出句章浮海從東方往樓船將軍楊僕出武林中尉王溫舒出梅嶺越候為戈船下濤將軍出若邪白沙以上東越列傳

東越數反覆中大夫朱買臣因言故東越王君保泉山一人守險千人不得上今聞東越王更徙處南行去泉山五百里居大澤中今發兵浮海直指泉山陳舟列兵席卷南行可破滅也上拜買臣會稽太守到郡治樓船備糧食水戰具居歲餘買臣受詔將兵與橫海將軍韓說等俱擊破東越漢書朱買臣傳

元封元年冬咸入東越東越素發兵距險使徇北將軍守武林敗樓船軍數校尉殺長吏樓船將軍率漢書作樓船軍卒未是錢塘韓終古斬徇北將軍為禦

兒侯自兵未往故越衍侯吳陽前在漢漢使歸諭餘善弗聽橫海將軍至吳陽以其邑七百人反攻越軍於漢陽從建成侯敖與餘善王居股謀俱殺餘善以其眾降橫海將軍封餘善王居股為東成侯萬戶敖為開陵侯吳陽為北石侯橫海將軍為按道侯東越將多軍案多姓漢兵至東軍降封為

福建通紀

東漢

四

通志一

無錫侯於是天子曰東越障多阻閩越悍數反覆詔軍吏皆將其民徙處江淮間東越地虛後有逃遁山谷者頗出為立治縣置會稽東部都尉以屬之東越列傳兩粵傳宋書州郡志三山志

案史記吳王濞傳吳王下令國中曰南使閩越東越東越亦發兵從稱東越為東越似東越專屬東越與福建無與也者不知史記閩越東越統稱東越列傳封餘善為東越王時明云與餘善王並處擊東越後明云東越狹閩越悍皆徙其民下統云東越地遠虛是東越閩越固一而二而一也又案三山志誤州郡志為立二字作立為因誤改屬會稽為以會稽禁備之太平御覽引臨海記云立都尉府於侯官以鎮撫二越所謂東南一尉者是也

東漢

章帝建初八年舊交趾七郡貢獻轉運皆從東治汎海而至風波艱阻沈溺相係弘奏開零陵桂陽陽關道自是東通遂為常路後漢書

章和元年立故治閩越地爲章安縣後漢書郡國志引晉元康記

案郡國志以章安爲光武更名然章安取義於章和紀年當非光武時

事

順帝陽嘉元年二月海賊曾旌等寇會稽諸緣海縣各屯兵戍後漢書順帝紀

永和二年以章安縣東臨海鄉爲永寧縣郡國志

獻帝建安元年王朗爲會稽太守孫策引兵渡浙江朗功曹虞翻勸朗避策朗不用拒戰敗績策自領會稽太守朗亡走浮海翻追隨營護至東部

侯官侯官長商升開城不受翻往說然後見朗策遣永寧長韓晏領南部都尉將兵討升以賀齊爲永寧長晏爲升所敗齊又代晏領都尉事升畏

齊威名乞降張雅詹疆等不願升降反共殺升雅稱無上將軍疆稱會稽

太守齊一戰大破之侯官平三國志王朗傳孫策傳虞翻傳賀齊傳

案三國志注引獻帝春秋言策率軍如閩越討朗朗浮海欲走交州爲

兵所逼遂詣軍降孫策傳又言策屠東治然據賀齊傳至侯官戰勝者

福建通紀東漢吳

五

通志一

齊受降者齊策特遣之耳何曾屠東治哉

五年曹操表孫權爲討虜將軍領會稽太守三國志孫權傳

八年建安漢興南平復亂賀齊進兵建安立都尉府郡後屬縣五千兵各

使本縣長將之受齊節度進討洪明洪進等賊連大破之臨陣斬明餘皆

降賀齊

十五年會稽東治五縣賊呂合秦狼等爲亂孫權以呂岱爲督軍校尉與

將軍蔣欽等將兵討之遂禽合狼五縣平定岱拜昭信中郎將欽徙討越

中郎將三國志呂岱傳

吳

大帝嘉禾四年廬陵賊李桓路合會稽東治賊隨春南海賊羅厲等一時

並起權詔呂岱督劉纂唐咨等分部討擊春即時首降岱拜春偏將軍使

領其眾遂爲列將桓厲等皆見斬獲呂岱傳

太平二年八月會稽南部反殺都尉郡陽新都山民作亂鍾離牧爲監軍

使者與廷尉丁密步兵校尉鄭曹率軍討平之三國志孫亮傳鍾離牧傳

三年九月大將軍孫琳點亮爲會稽王孫亮傳

景帝永安三年秋會稽郡謠言王亮當還爲天子點亮爲侯官侯遣之國

道自殺三國志孫休傳

以會稽南部爲建安郡上

置曲都尉於建安主誦從之人作船於此元和郡縣志

案宋書州郡志作典船校尉曲都當典船之譌

歸命侯甘露元年三月孫皓遣使隨徐紹孫或報魏書紹行至濡須召還

殺之徙其家屬建安紹或由吳降魏魏命齋書申喻紹紹獨美魏國故

也三國志孫皓傳

案注引吳錄皓以諸父與孫和連及者家屬皆徙東治

建衡元年十一月遣監軍虞汜威南將軍薛珣蒼梧太守陶璜由荊州監

軍李勗督軍徐存徙建安海道皆就合浦擊交趾孫皓傳

福建通紀吳晉

六

通志一

陸凱卒凱數犯顏忤旨加何定譖構非一後竟徙凱家於建安三國志陸凱傳

二年春李勗以建安道不通利殺導將馮表引軍還孫皓傳

三年會稽妖言章安侯奮當爲天子臨海太守委熙與會稽太守郭誕書

非論國政誕但白熙書不曰妖言送付建安作船全上案張衡亦送建安作船見三國志張紇傳

晉

武帝太康三年分建安立晉安郡統縣八隸揚州晉書地理志三山志

始以侯官爲晉安郡嚴高爲守三山志

立原豐令省建安典船校尉宋書州郡志

四年以溫麻船屯立溫麻令上

六年正月以尚書褚契都督揚州諸軍事晉書武帝紀

八年五月建安地震晉書五行志

十年十二月廬江建安雷電大雨上

惠帝元康元年七月有司奏刑揚二州疆土廣遠統理尤難於是割揚州

之豫章都陽廣陵臨川南康建安晉安荊州之武昌桂陽安成合十郡因
江水之名而置江州晉書地理志
王彬爲鎮軍賊曹參軍轉典軍參軍愍帝召爲尚書郎以道險不就遷建
安太守晉書王彬傳
懷帝永嘉中以華軼爲江州刺史晉書華軼傳
元帝永昌元年王敦舉兵反詔陶侃以本官領江州刺史晉書陶侃傳
明帝太寧二年十月以應詹爲平南將軍都督江州諸軍事江州刺史晉書應詹傳
成帝咸和元年七月使持節都督江州諸軍事江州刺史應詹卒晉書成帝紀
八月以給事中前將軍丹陽尹溫嶠爲平南將軍假節都督江州刺史晉書溫嶠傳
咸和初南頓王宗反使趙胤討誅之貶其族爲馬氏徙妻子於晉安晉書南頓王宗傳
四年十二月右將軍郭默害平南將軍江州刺史劉胤宋書郭默傳
福建通紀晉 七
陶侃上表討默侃至默將宗侯縛默詣侃降詔侃都督江州領刺史陶侃傳
咸康八年八月以江州刺史王允之爲衛將軍晉書王允之傳
康帝建元元年十月以軍騎將軍庾亮都督荊江司雍益梁六州諸軍事晉書庾亮傳
二年庾亮以謝尚督豫州四郡領江州刺史晉書謝尚傳
穆帝永和元年七月持節都督江州司雍益梁七州諸軍事江州刺史晉書庾亮傳
庾翼卒晉書庾翼傳
哀帝隆和三年二月以荊州刺史桓沖監江州荊州之江夏隨郡豫州之
汝南西陽新蔡潁川六郡諸軍事南中郎將江州刺史晉書桓沖傳
孝武帝寧康元年七月以江州刺史桓沖爲中軍將軍都督揚豫江三州
諸軍事揚州刺史晉書孝武帝紀
太元四年九月盜殺建安太守傅湛全
安帝元興元年正月孫恩死盧循自稱征虜將軍領其餘眾略有永嘉晉

安之地宋書天文志
二年八月盧循攻永嘉劉裕討循至晉安循窘急汎海到番禺冠廣州初
張茂度出補晉安太守盧循爲寇覆沒江州茂度與建安太守孫劭之並
受其符書供其調役循走俱坐免官晉書盧循傳宋書張茂度傳
元興初朝廷將討桓玄以劉牢之爲前鋒都督征西將軍領江州事晉書劉牢之傳
義熙八年先是盧循南走孟懷玉與眾軍追至嶺表循平遷懷玉爲江州
刺史宋書孟懷玉傳
義熙中以庾悅爲江州刺史晉書庾悅傳
十二年遷檀韶督江州軍事江州刺史宋書檀韶傳
十四年遷王弘監江州太祖卽位以定策安社稷封建安郡公食邑千戶
宋書王弘傳
十八年遷庾登之爲江州刺史疾篤徵爲中護軍宋書庾登之傳
福建通紀晉 宋 八
武帝永初元年以佐命功改封劉粹爲建安縣侯宋書劉粹傳
文帝元嘉元年建安郡山賊百餘人破郡治抄掠百姓產子女遂入佛
圖搜劫財寶入一室忽有蜜蜂數萬頭同時噬齧羣賊身百腫痛眼皆盲
合先諸所掠皆棄而去宋書文帝紀
三年正月傅亮誅子都徙建安郡宋書傅亮傳
二月建安太守潘城有罪伏誅宋書潘城傳
十三年以南郡王義宣爲江州刺史宋書南郡王義宣傳
十六年四月以臨川王道規子義慶爲江州刺史宋書臨川王義慶傳
十七年十月以大將軍領司徒錄尚書事彭城王義康爲江州刺史宋書南史
十八年二月以豫章太守庾登之爲江州刺史宋書庾登之傳
二十年正月以廬陵王紹爲江州刺史全

二十三年八月揭陽精賊攻建安郡燔燒城府沈初之討之病卒於軍又沈慶之傳

二十六年七月以中護軍建平王宏爲江州刺史宋書文帝紀

二十八年以武陵王駿爲都督江州刺史宋書武帝紀

二十九年二月立第十二皇子休仁爲建安王宋書文帝紀

三十年以雍州刺史臧質爲江州刺史宋書武帝紀

孝武帝孝建元年魯爽反柳元景克捷封晉安郡公宋書柳元景傳

三月以安北將軍蕭思話爲安南將軍江州刺史宋書武帝紀

十月以東海王禕爲撫軍將軍江州刺史宋書武帝紀

大明元年以晉王昶爲江州刺史宋書晉王昶傳

三年分浙江西立王徽以浙江東爲揚州命豫章王子尚都督揚州江州

之郡陽晉安建安三郡諸軍事揚州刺史宋書章王傳

七月以桂陽王休範爲江州刺史宋書武帝紀

福建通紀宋書

四年正月庚寅立第三皇子子勛爲晉安王宋書文帝紀

七年正月以南兗州刺史晉安王子勛爲江州刺史宋書文帝紀

八年正月以建安王休仁爲安南將軍江州刺史宋書文帝紀

秋七月鎮軍將軍雍州刺史晉安王子勛改爲江州刺史宋書文帝紀

廢帝永光元年湘東王瑛出爲使持節散騎常侍都督南豫豫司江四州

揚州之宣城諸軍事宋書明帝紀

明帝泰始元年正月以驃騎將軍前荊州刺史山陽王休祐改江州刺史

以上

以巴陵王休若督晉安宋書文帝紀

二年正月以領軍將軍王玄謨爲車騎將軍江州刺史宋書明帝紀

以中軍將軍王景文爲安南將軍江州刺史宋書明帝紀

鄧琬等奉晉安王子勛爲帝僞位尋陽長沙王道憺之孫贈爲晉安太守

據郡同逆建安內史趙道生起義討之聚徒未合巴陵王休若遣沈思仁

討贈七月斬之於羅江縣八月建安王休仁率眾軍大破琬兵子勛等並

賜死諸將隨征補所有功者沈懷明封建安郡吳興縣周盤龍晉安郡晉

安縣李安民建安郡邵武縣并開國子楊覆以貴口有功封級城縣男宋書

鄧琬傳晉安王傳長沙王傳明帝紀

孔叡傳沈慶之傳齊書周盤龍傳

四年改晉安郡爲晉平郡山陽王休祐改封晉平王子宣彥封原豐縣侯

休祐死十三子並徙晉平郡太宗病見休祐爲祟乃遣中書舍人劉休至

晉平撫慰宣翊等宋書晉平

追封殷孝祖爲建安縣侯宋書殷

十月發諸州兵北討南康建安安成宣城四郡昔不同南逆並不在徵發

之例宋書明帝紀

六年六月鎮軍將軍揚州刺史桂陽王休範爲征南大將軍江州刺史宋書

七年六月征北大將軍巴陵王休若爲車騎大將軍江州刺史宋書

七月江州刺史巴陵王休若薨桂陽王休範遷爲江州刺史宋書

福建通紀宋書

後廢帝元徽元年以虞胤爲晉平太守齊書虞胤傳

以王秀之爲晉平太守齊書王秀之傳

湘江淹爲建安吳興令齊書江淹傳

二年五月以第七皇弟友爲江州刺史宋書後廢帝紀

順帝昇明二年正月以左衛將軍齊王世子爲江州刺史宋書順帝紀

八月以領軍蕭懿爲江州刺史宋書

三年正月以尚書左僕射王延之爲安南將軍江州刺史宋書

齊

高帝建元元年齊王受禪羅江縣男曹虎啟乞改封侯官尚書奏侯官戶

數殷廣乃改封監利縣齊書曹虎傳

四年安成王暉出爲江州刺史齊書安成王傳

六月封江陵公子懋爲晉安王皇子子眞爲建安王齊書武帝紀

武帝永明二年三月徙王眞爲江州刺史初省江州軍事傳武帝紀

四年以隨郡王子隆爲江州刺史武帝紀
以衡陽王子鈞爲江州刺史齊書衡陽元王傳
六年十月以武陵王晞爲江州刺史齊書復侯傳
七年轉丹陽尹王晏爲江州刺史固辭不願出外齊書王晏傳
三月以巴東王子響爲江州刺史齊書武帝紀
八年正月以鄱陽王鐸爲江州刺史齊書上
十一年正月以陳顯達爲江州刺史齊書上
鬱林王隆昌元年正月以征北大將軍晉安王子懋爲江州刺史齊書鬱林王紀
明帝輔政起蕭衍預定策勳封建陽縣男梁書武帝紀
案南史梁武帝紀以爲建武二年事
明帝建武元年十一月立皇子寶義爲晉安王寶寅爲建安王齊書明帝紀
有詔舉士始安王遙光表薦前侯官令王僧孺梁書王僧孺傳
二年有大鳥集建安形如水獺子其年大水南齊書五行志
福建通紀齊梁
三年以北中郎將建安王寶寅爲江州刺史明帝紀
永泰元年七月以太尉陳顯達爲江州刺史齊書上
東昏侯承元三年二月以冠軍長史王茂先爲江州刺史齊書和帝紀
八月義師下次江州遺劉謫之爲建安郡江蒨爲建安內史方視事齊書和帝紀
帥吏民據郡拒之梁書本傳
和帝中興元年封蕭衍建安郡公上
梁
武帝天監元年封弟雍州刺史偉建安郡王梁書武帝紀
以范縝爲晉安太守梁書范縝傳
五年正月立皇子綱爲晉安郡王武帝紀
十七年以建安土瘠改封建安王偉爲南平郡王梁書南平王傳
天監中置南安郡志
普通六年以晉安建安南安三郡屬東揚州上

案據梁書武帝紀分揚州江州置東揚州在前一年
大同八年封南康王績第六子乂理爲建安縣侯梁書南康王傳
簡文帝大寶元年封皇子大球爲建安郡王梁書簡文帝紀
二年八月侯景廢帝爲晉安王齊書上
元帝承聖元年立皇子方智爲晉安郡王梁書元帝紀
二年晉安郡王方智出爲江州刺史南史梁敬帝紀
封蕭基爲長樂侯太平御覽引
敬帝紹泰元年封貞陽侯淵明爲建安郡公梁書敬帝紀
授陳寶應壯武將軍晉安太守尋加員外散騎常侍寶應侯官人世爲閩中豪姓父羽有材幹爲郡雄豪寶應性反覆多變詐梁代晉安數反累殺郡將羽初並屬惑合成其事後復爲官鄉導破之由是一郡兵權由已出侯景之亂晉安太守寶化侯蕭雲以郡讓羽羽老但治郡事令寶應典兵時東境飢饉而晉安獨豐寶應自海道冠臨安永嘉會稽餘姚諸暨又載福建通紀梁陳
米粟與之貿易由是大致資產土庶豐盛侯景平元帝因以羽爲晉安太守及陳霸先輔政羽求傳位於寶應霸先許之陳書陳霸先傳
太平二年加陳霸先爵爲王以揚州之會稽臨海永嘉建安等六益其封陳書高祖紀
陳
武帝永定元年令給事黃門侍郎蕭乾招諭閩中時周迪在臨川留異在東陽陳寶應在建晉共相連結閩中豪帥往往立誓自保乾至曉以逆順渠帥皆率眾款附即以乾爲建安太守陳書蕭乾傳
永定初升晉安郡爲閩州領晉安建安南安三郡始爲刺史治所志
二年封寶應侯官縣侯時東西嶺道寇賊擁隔寶應自海道趨會稽貢獻應傳
文帝天嘉元年徐度出爲使持節都督晉安建安等九郡軍事未行侯瑱卒於湘州以度代之陳書徐侯瑱傳

二年除王質晉安太守陳書王質傳

陳慧紀以功除持節通直散騎常侍宣遠將軍豐州刺史陳書陳慧紀傳

留異反陳寶應助之又資周迪兵糧出冠臨安陳書留異傳

三年授安成王瑱使持節都督揚南徐東揚南豫北江五州諸軍事陳書高宗紀

三月司空侯安都破留異於桃支嶺異脫身奔晉安陳寶應納之陳書世祖紀

六月以會稽東揚臨海永嘉新安新寧晉安建安八郡置東揚州以揚州

刺史始興王伯茂為鎮東將軍東揚州刺史全上

案三山志謂天嘉六年始罷閩州還屬東揚州與此異

天嘉初以孔奐為揚東揚二州大中正陳書孔奐傳

四年正月周迪眾潰妻子悉擒乃脫身踰嶺走閩州刺史陳寶應納之陳書周迪傳

十二月詔章昭達都督眾軍由建安南道渡嶺以討陳寶應又命益州刺

福建通紀陳 志一 通志一

史余孝頃督會稽東陽諸軍自東海會之世祖紀陳寶應傳

詔陸子隆隨章昭達踰嶺討陳寶應軍至建安以子隆監郡陳書陸子隆傳

五年十一月章昭達破陳寶應於建安擒寶應留異送建康斬於市初世

祖嗣位進寶應號宣毅將軍又加其父光祿大夫仍命宗正錄其本系編

為宗室及寶應結婚留異潛有逆謀其客餘姚虞寄每陳逆順之理以諷

諫寶應嘗使人誦漢書卧而聽之至蒯通說韓信曰相君之背貴不可言

蹶然起坐曰可謂智士寄曰覆郵驕驕未足稱智豈若班彪王命識所歸

乎及留異稱兵寶應資其部曲寄乃以書極諫曰自天厭梁德英雄互起

人人自以為得之然夷凶剪亂四海樂推者陳氏也豈非歷數有在惟天

所授乎一也以王琳之繼侯瑱之力進足以搖蕩中原爭衡天下退足以

屈強江外雄張偏隅然或命一旅之師或資一士之說琳則瓦解冰泮投

身異城瑱則厥角稽顙委命闕庭斯又天假之威而除其患二也今將軍

以藩戚之重東南之眾盡忠奉上戮力勤王豈不勲高寶融寵過吳芮析

珪判野南面稱孤乎三也聖朝棄瑕忘過寬厚得人至於余孝頃潘純陀

李孝欽歐陽頔等悉委以心腹任以爪牙胷中豁然曾無纖芥況將軍

非張繡罪異畢諶當何慮於危亡何失於富貴四也方今周齊鄰睦境外

無虞并兵一向匪朝伊夕非劉項競逐之機楚趙連從之勢何得雍容高

拱坐論西伯五也且留將軍狼顧一隅亟經摧衄聲勢虧喪膽氣衰沮其

將帥首鼠兩端唯利是視孰能被堅執銳長驅深入繫馬埋輪奮不顧命

以先士卒者乎六也將軍之彊孰如侯景將軍之眾孰如王琳武皇滅侯

景於前今上推王琳於後此乃天時非復人力且兵革已後民皆厭亂其

孰能棄墳墓捐妻子出萬死不顧之計從將軍於白刃之間乎七也歷觀

前古子陽季孟顛覆相尋餘善右渠危亡繼及天命可畏山川難恃況將

軍欲以數郡之地當天下之兵以諸侯之資拒天子之命強弱逆順可得

侔乎八也且非我族類其心必異不愛其親豈能及物留將軍身縻國爵

子向王姬猶且弃天屬而不顧背明君而孤立危急之日豈能同憂共患

福建通紀陳 志一 通志一

不背將軍者乎至於師老力屈懷誅利賞必有韓智晉陽之謀張陳井陘

之勢九也北軍萬里遠鬪鋒不可當將軍自戰其地人多顧後眾寡不敵

將帥不侔師以無名而出事以無機而動以此稱兵未知其利十也為將

軍計莫若絕親留氏釋甲偃兵一遵詔旨方今藩維尚少皇子幼冲凡諸

宗族皆蒙寵樹況以將軍之地將軍之才將軍之名將軍之勢而克修藩

服北面稱臣實與劉惔同年而語其功業哉寄感懷德不覺狂言斧鉞

之誅其甘如飴寶應覽書大怒及討寶應尚書下符告晉安士庶寶應據

建安之湖際逆拒王師水陸為柵昭達踰東嶺深溝高壘不與戰但命

軍士伐木為障俄而水盛乘流放之突其水柵仍水步薄之寶應眾潰身

奔夜至蕭口山草間窘而就執晉安世祖紀陳寶應傳

十二月曲赦建安晉安二郡討陳寶應將士死事者給相送還本鄉世祖紀

六年三月詔侯景以來遭亂移在建安晉安義安郡者并許還本土全上

八月立皇子伯恭為晉安王全上

是年罷開州還屬東揚州三山志

天嘉中出沈君理為鎮東始興王長史會稽郡丞行東揚州事陳書沈君理傳

以陸繕為貞毅將軍建安太守陳書陸繕傳

廢帝光大元年以鄱陽王伯山為鎮東將軍東揚州刺史陳書廢帝紀

劉師知與到仲舉見安成王權重矯沈后敕令還東府事覺師知賜死後

憂閔令宦者蔣裕誘建安人張安國使據郡反冀以圖安成王陳書世祖沈皇后傳

劉師知傳

二年四月割東揚州晉安郡為豐州陳書廢帝紀

案是年始割晉安郡為豐州而天嘉二年已有陳憲紀除豐州刺史必

有誤

十二月黜始興王伯茂為溫麻侯陳書始興王伯茂傳

宣帝太建元年以皇子建安侯叔英為宜惠將軍東揚州刺史陳書高宗紀

太建初以武州刺史樊毅轉豐州刺史陳書樊毅傳

福建通紀陳隋

五

通志一

四年二月立皇子叔卿為建安王授東中郎將東揚州刺史高宗紀

七年授宜都王叔明東中郎將東揚州刺史尋出新蔡王叔齊為東中郎

將東揚州刺史陳書宜都王叔明傳

太建中永陽王伯智出為使持節都督東揚豐二州諸軍事陳書永陽王伯智傳

九年以孔奐為揚東揚豐三州大中正孔奐傳

十年授駱牙豐州刺史陳書駱牙傳

十四年三月以中護軍章大寶為豐州刺史陳書後主紀

後主至德二年五月以尚書僕射永陽王伯智為平東將軍東揚州刺史

上全

三年三月前豐州刺史章大寶舉兵反四月臺軍至陳書後主紀

率兵討平之大寶昭達子襲封出為豐州刺史在州貪縱百姓怨酷後主

以太僕卿李暈代之將至大寶襲殺暈遣其將楊通冠建安建安內史拒

之官軍稍近人情離異大寶計窮乃與通俱逃景祥率兵追躡山谷險阻

大寶不能復行通背負之為追兵所擒送都死於路傳首京師全上又章昭達傳

四年九月以鄱陽王伯山出為持節都督東揚豐二州諸軍事東揚州刺

史陳書鄱陽王伯山傳

禎明元年十一月以蕭巖為平東將軍開府儀同三司東揚州刺史後主紀

文帝開皇十年十一月會稽人高智慧反走保閩越泉州王國慶等自稱

大都督攻陷州縣詔上柱國內史令楊素討平之隋書文帝紀

煬帝大業初嶺南閩越多不附隋書煬帝紀

大業十年六月賊帥鄭文雅林寶護等眾三萬陷建安郡太守楊景祥死

之隋書煬帝紀

十三年林士弘起豫章劉元進起晉安皆稱皇帝新唐書高祖紀

福建通紀隋

六

通志一